

Suliffeqarfiit innuttaasunik tapersortarialinnik suliffissaqartitsisut nalunaarsugaasut pillugit Namminersorlutik Oqartussat nalunaarutaat nr. 19, 25. maj 2022-mersooq

Suliffeqarfiit innuttaasunik tapersortarialinnik suliffissaqartitsisut nalunaarsugaasut pillugit Inatsisartut inatsisaat nr. 31, 28. november 2019-imeersumi §§ 2-p aamma 18-ip, § 19, imm. 5-ip, aamma § 20, imm. 2-p nassatarisaannik aalajangerneqarput:

Ilusissanut piumasaqaatit

§ 1. Qinnuteqarnermi, nalunaarsuinermi, nalunaarsugaajunnaarsitsinermi, nalunaaruteqarnermi il.il. allaffissornikkut innersuussutaasutut immersugassat atorneqassapput.

Nalunaarsuinermit akitsuut

§ 2. Nalunaarsugaanerup akuersissutiginnissaa imaluunniit nalunaarsugaanerup akuersisaa-reersup allangortinnissaa pillugit qinnuteqarnermi qinnuteqaatip kingunerisaa apeqqaatinnagu utertillugu akilerneqartussaangitsumik suliffeqarfik nalunaarsuinermit akitsuummik 1.000 kr.-imik akiliissaaq. Nalunaarsuinermit akitsuutip akiliutaanera sioqqullugu suliamik isumaginninneq aallartsinneqassanngilaq.

Nalunaarsugaajunnaarsitsineq aamma nutaamik akuersissuteqarneq

§ 3. Suliffeqarfittut innuttaasunik tapersortarialinnik suliffissaqartitsisutut suliffiup nalunaarsugaaneramik akuersissuteqarneq atorunnaassaaq suliffeqarfiit innuttaasunik tapersortarialinnik suliffissaqartitsisut pillugit Inatsisartut inatsisaanni aalajangersakkatut, imaluunniit nassatarisatut suliffeqarfik killilersuutinik malittarinninngippat, ilanngullugit nalunaarsuinissamut killilersuutinik.

Imm. 2. Siusinnerusumi piffissami akuersissuteqarfiusumi nalunaaruteqarnissamut piumasa-qaatinik suliffeqarfik piviusunngortitsisimalerpat suliffeqarfik siusinnerpaamik akuersissummik nalunaarfigeqqinneqarsinnaavoq.

§ 4. Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat malillugu nalunaarsuineq suliffeqarfinnik innuttaasunik tapersersortarialinnik suliffissaqartitsisunik nalunaarsuisarfimmi tamakkiisumik tamanut saqqummiunneqartassapput, taamaattorli takuuk imm. 2.

Imm. 2. Pisortat ingerlatsineranni suliassat suliarineqartarnerat pillugu Inatsisartut inatsisaanni tamanut saqqummiussisarnermut pinngitsuugassanik nalunaarut allagaatinik imaqarpat nalunaarut tamanut saqqummiussinissamut naleqquttumik ilusilikkamik ilaneqartassaaq.

§ 5. Ukiup naatsorsuiffiup ingerlanerani nalunaarsorneqarnerup allanngortinnerani akuersissuteqarfittut piffissamut tunngasutut paasissutissat sorliuneri nalunaarutaasumi erseqqissumik nalunaarneqassapput.

§ 6. Suliffeqarfinnut innuttaasunik tapersersortarialinnik suliffissaqartitsisutut nalunaarsugaasunut nalunaarsuisarfik allattoqarfiup nutarsartuarsinnaavaa, ilanngullugit suliffeqarfimmut innuttaasunik tapersersortarialinnik suliffissaqartitsisutut akuerisaajunnaartumut tunngasunik paasissutissat.

Atuutilerfia

§ 7. Nalunaarut ulloq 1. juni 2022 atuutilerpoq.

Namminersorlutik Oqartussat, ulloq 5. maj 2022

Vivian Motzfeldt

Nunanut Allanut, Inuussutissarsiornermut Niuernermullu Naalakkersuisoq

/Minguaq Kleist